



**Ioannis Tollenarii Brvgensis e Soc. Iesv Specvlvm  
Vanitatis Sive Ecclesiastes Solvta Ligataq. Oratione  
Dilvcidatvs**

**Tollenauer, Jean de**

**Antverpiæ, 1635**

Sectio Tertia.

---

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

uetur. Nunc ad tertium vanitatis & acerbitatis caput  
cum Ecclesiaste descendamus, & quam inamoenam  
hanc vitam reddat auaritia, demonstremus.

## SECTIO TERTIA.

## ECCLESIASTES.

VERS. 7. Considerans reperi & aliam vanitatem  
sub Sole:

8. vnus est, & secundum non habet, non filium,  
non fratrem, & tamen laborare non cessat, nec  
satiantur oculi eius diuitiis: nec recognitat, di-  
cens: Cui labore, & fraudo animam meam  
bonis? in hoc quoque vanitas est, & afflictio  
pessima.

## METRICA PARAPHRASIS.

**P**ROTERVE Scazon, si quid aut cachinnorum,  
*Aut tristiorum ergastris querelarum,*  
Salisque promus-condus abdis arguti,  
*Dicacitatis diuitem penum exhauri.*  
*C*ensore Momo digna vanitas sese  
Loquacitatis nundinis repræsentat.  
*E*n ille sponsus tristum lacernarum,  
*Qui compitorum saxa leucophæatus,*  
Et Bæticatus MercurI terit limen,  
*Qui Sole puro nubilos gerit vultus,*  
Nasoque terram, & fronte signat obstopa:  
*Qui solâ anhelam frigidâ futim fallit,*  
*Crustasque rodens, alliumque cerasusque*  
*Lanuginosis panis allinit frustis :*

Huins

Huius flagellat arca centies mille,  
Et inuidendas strangulat Midæ gazas:  
Et fulgurante Sole mille nummorum  
Licet alteram aciem fronte ploret extinctam,  
Tamen usque & usque & usque coelitem pascit  
Vixum fruendo, nec satis tamen pascit,  
Sed maior arca pupula ardet expleri.  
Hic ardor ægrum mille concoquit curis,  
Fuliginoso deuouetque pistriño,  
Labor laborem trudit, & dies noctem;  
Sed nec serenum Phœbus, aut soror Phœbi  
Somno reclinem celsa ab arce despeletat.  
Quid tam tenaci corda macerat cura?  
An fortè quinquaginta Danaidum sponsis  
In spem nepotum pronubam parat dotem?  
Non grex parenti liberum has coquit curas,  
Cùm nulla mutis ludat ædibus proles,  
Quæ stemma generis sanguinemque propaget:  
Non socia thalami, non greges puellares,  
Non frater heres inhiat aut soror nummis,  
Nec vlla stirpis fibra restat in terris.  
Non pater alendus superat, aut anus mater,  
Non lege amoris nouit alterum sese:  
Sed solus unus unicus sibi restat.  
Tamen astuanti mole mille curarum  
Curas tot inter nulla suggestit cura,  
Cuinam labores necno concatenateos?  
Quorsum perenne voluo Sisyphi saxum?  
Cur inter undas Tantalus sitim ludo,  
Famemque partis asperam bonis fraudo?  
An esse in orbe vanitas potest maior,  
Maiusque mentis diriusque tormentum?

## PROSA

## PROSA EXEGESIS.

Avaritia  
labor vi-  
tam reddit  
acerbam.

Avaritia  
quouis ty-  
ranno im-  
periosor.

\*ad lucer-  
nam vi-  
uens

Isidor. Pe-  
lusiota li. 2.  
Epist. 233.

Avaritia  
seruitute  
intolerabi-  
lior.

Seneca E-  
pist. 115.

TERTIAM hanc rationem hoc Capite reddit Ecclesiastes, cur non vanam tantum, sed etiam acerbam esse pronuntiet hanc seu vitam mortalem, seu mortem vitalem, quod communis illa generis humani pestis avaritia plerosque perpetuo laboris pistrino sic exercet, ut nec vicissitudo noctium quietem, nec ætas ingrauescens missionem possit impetrare. Quis tyrannus subditos, quis dominus empta de lapide mancipia tot laboribus & cruciatibus exhaustas opere diurno ancillas nocturnis exercet pensis? Praeclarè hoc notauit Isidorus Pelusiota. Quos avaritia ceperit, inquit, tyranno quouis acerbius torquet, & insultans excruciat: nec tantillum quidem ad respirandum quietis permittit, sed acerbiorem infligit poenam, quam iungunt, qui ad metalla damnati sunt. Nam his quidem confecto opere, somno & quiete frui licet: illis autem, somni portu velut aggestâ terrâ obstructo, noctu quoque vario æstu fluctuantibus sœua illa & inhumana edicta proponit.

Addo, hac parte tolerabiliorem esse seruitutem, quod quamuis labor & corporis afflictatio maximè seruis incumbat, curarum tamen potissima pars, & internorum cruciatuum penes dominos resideat: at avaritia non laboribus magis sua mancipia quam curis & sollicitudinibus exercet. O quantum lacrymarum, inquit Seneca, quantum laborum exigit! quam misera desideratis, quam misera partis est! Adiice quotidianas sollicitudines, quæ pro modo habendi quemque discruciant. Adde, quod maiore tormento pecunia possidetur

qua-

quām quæritur. Magis etiam curas eius ac sollicitudines exprimit Basilius. Quantò magis, inquit, augescunt diuitiæ, tantò plus adferunt curarum. Iudex expectatur? veretur auarus ne in ius trahatur, & orphanus lacrymas suas in foro palam faciat. Itaque nocte consultat, quo pæco in iudicio mendaciis pauperem destitutum opprimat. Hæc animum eius cura continuo morsu absumit. Canis latrat? auarus furem esse suspicatur. Mus fortè perstrepit? auari cor salit. Quemlibet, vel puerum, suspectum habet. Filios iam prouectos velut insidiatores intuetur, quasi parentis vitam votis suis obstatre non ferant. Denique instar Plautini cuiusdam Euclionis perpetuis agitat intemperiis, & omnes auræ sibilos reformidat. Nec intelligit miser speciosa se pati supplicia, auroque alligatum per quous uis labores ac tormenta raptari.

Sed quemadmodum equi, dum molam circumagunt, capistro cæcantur, fructusque omnis ignari, nihil præter laborem in labore cognoscunt: sic auari tamquam mente capti, dum assiduis laboribus atterruntur, hoc unum sciunt, sibi laborem ex labore fieri, quo fructu laborent penitus ignari. At inquietes, Norunt se coaceruare diuitias. Esto sanè; neque enim diuitias ut fructum laboris intuentur, sed ut noui laboris & amplioris usuræ seminarium, dum nulla voti mensura est: & quantuscumque thesaurus initium censetur maioris, dum

*Crescentem sequitur cura pecuniam,*

*Maiorumque famæ.—*

Nam, ut rectè Seneca, eò maiora cupimus, quò maiora venerunt: multoque concitator est auaritia in magnarum opum congestu collocata, ut flammæ infinito

D d

*Horat. li. 3.  
Odà 16.*

*Seneca l. 2.*

*de Benefi-*

*cis, c. 27.*

*Auaritia*

*est infati-*

*bilis.*

*actior*

Pacatus in  
Panegyri-  
co dicto  
Theodo-  
fio.

Avaritia  
in senibus  
maior.

Cicero de  
Senectute.

Qui aut se  
aut Deum  
laboris sui  
scribit her-  
redem, fa-  
pue.

acrior vis est, quo ex maiore incendio emieuit. Nec enim, vt ait Pacatus in Panegyrico, copiam satietas sequitur, sed crescit indies habendi fames, & parandi rabiem, quæ parta sunt, irritant: vt ægrorum situm potus accedit, & ignis arentibus non obruitur, sed augetur.

At quis tandem erit corradendi finis? non aliud quam qui vitæ. Atque utinam, quod proprius ad vitæ metam acceditur, eò remissior eslet coaceruandi cura! nunc autem portento simile est, vehementius illam in senibus exardescere. Quod non immerito admiratus Cicero, Avaritia senilis, inquit, quid sibi velit non intelligo. Potest enim quidquam esse absurdius, quam quod minus restat viæ, eò plus viatici querere? At alius fortasse consulit avarus ille senex. Quibus tandem? Nam, vt ait Ecclesiastes, non raro *vñus ēst*, & secundum non habet, non filium, non fratrem, & tamen laborare non cessat. At sibi saltem, suoque genio, dum viuit, indulget. Nihil minus. nam, vt idem subiungit Ecclesiastes, ne quidem recogitat, dicens, *Cui labore, & fraudo animam meam bonis?*

O quam præclarè sibi diues consuleret, si saltem animam suam nudam, ac inopem, ac inter profanas sollicitudines, ceteraque vitia destitutam, heredem laboris sui scriberet! quam quæstuosa esset negotiatio, si terrâ cælum mercaretur! aut quantam à Deo gratiam iniret, si, quos natura negauit, pietas liberos adoptaret, & in iis Deum nuncuparet heredem! Sed, proh dolor! procul haec sunt à studiis & cogitationibus auari: qui velut hostis naturæ communis, nec sibi minus quam aliis infestus, sat magnum se laboris sui fructum percepisse existimat, si opibus suis incubans, nec ipse partis frua-

fruatur, nec aliis faciat fruendi copiam; non aliter  
quàm in præsepi canis, nec ipse fœno vescitur, nec  
equum famelicum admittit; ita miser ille, Deo homi-  
nibusque inuisus, magnas inter opes inops, inacie cu-  
risque contabescit, donec aut intestatus opimam præ-  
dam harpyijs relinquat, aut heredem non tam iudicio  
quàm vitiorum similitudine deligat, cui mali ominis  
hereditatem velut pestem familiae transcribat. Homi-  
nis enim auari diuitiæ, aiebat Socrates, quemadmo-  
dum Sol post occasum, neminem viuentium exhila-  
rant. An non insignis hæc vanitas est, & adflictio pessi-  
ma? Si tamen fatalis est homini labor, & ad illum pri-  
mi parentis merito dannamur: si, vt ait Pacatus, di-  
uina quoque perpetuo motu gaudent, & iugi agitatio-  
ne se vegetat æternitas: si quidquid laborem vocamus,  
natura nostra est, vt indefessa vertigo cælum rotat, vt  
maria æstibus inquieta sunt, & stare Sol nescit; hoc  
certè nobis prouidendum est, vt ne labor noster sit in-  
fructuosus, & quæ labore parta sunt, non vitiorum in-  
centiuæ, sed beneficentiæ materiam, & socialis vita  
subsidia ministrent. Hoc innuit Ecclesiastes, dum  
subiungit:

## SECTIO QVARTA.

## ECCLESIASTES.

VERS. 9. Melius est ergo duos esse simul, quàm  
vnus: habent enim emolumentum societa-  
tis suæ:

10. si vnus ceciderit, ab altero fulcietur. Væ soli;  
quia cum ceciderit, non habet subleuante[m] se.

Dd 2

11. Et

Stobæus  
Serm. i. 8.Pacatus  
vbi suprà.